



Inatsisartuni ilaasortaq
Jess Svane, Siumut

§ 37 naapertorlugu imminut pilersorneq pillugu apeqquteqaat nr. 35-2022-mut akissut

Asasara Jess Svane

Inatsisartut Suleriaasianni § 37, imm. 1 naapertorlugu imminut pilersorneq pillugu Naalakkersuisunut apeqquteqaateeqarputit. Apeqqutit uannit akisassatut innersuunneqarput.

1. Naalakkersuisut imminut pilersornerunermik oqariartuuteqartarnertik (nunalerinermut uumasuteqarnermullu tunngatillugu) nunatta kujataanuinnaq tunngatippaat?

Akissut:
Naagga.

2. Imminut pilersornerunissamik siunertaqarnermi silaannaap allanngoriartornera Naalakkersuisuniit qanoq atorluarniarneqarpa?

Akissut:

Silap pissusianut naleqqussaanerit attuumassuteqarneri naapertorlugit imminut pilersornermi sullissisunit assigiinngitsunit eqqarsaatigineqartariaqarput. Assersuutigalugu nunalerinermik inuussutissarsiteqarneq silap pissusiata allannguutaannit sunniuteqarfigineqarput. Silap kissarnerulernerani nersutaatinut nerukkaatissanik kiisalu naatitassanik allanngitissarsinissaq tunisassiornermilu piginnaasat annertunerulerput, kisiannili silap allannguutai aamma silap eqqoriaruminaannerulerneranik, piffissat panerfiusut sivisunerulernerinik kiisalu uumasunik takornartanik ajoqusiisartunillu tikittoqarsinnaanerata annertunerulerneranik kinguneqarpoq. Naalakkersuisut Nunalerinermut Periusissiaat 2021 – 2030-mi allassimasutut silap pissusiata allannguutaasa kingunissai qulakkeerlugit ilisimaneqanngillat, kisiannili nunalerisut ukununnga eqqumaffiginnissasut inassutigineqarpoq:

- Narsaatinik imerterisinnaanermut periarfissat imerterutit amerlisinnerisigut, piffissanut panernerpaaffiusunut tasilianik sillimmasersornikkut, kisiannili aamma nunalerisut ilisimasaasa annertunerulernerisigut, taamaalillutillu pitsaanerpaamik imerterisinnaalernerisigut pitsaanerulersinneqassapput.

Allakkap ullua: 31-01-2022
Sulilap normua: 2022 - 2642
Allagaatip ilisarnaataa:
19137527

Postboks 1614
3900 Nuuk
Oqarasuaat: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl


- Ukiuunerani narsaatit immaqalu ajornartoornermi nerukkaatissat uninngasuutit asiussappata, ajornartoornermi naatitassanik uninngasuuteqarnissaq.

3. Silaannaap kissakkiartornera Qeqertarsuup nunataata Qeqertarsuullu tunuata qinnguata nunaateqarnikkut naatitsinikkullu pisortanik aningaasaliivigineqartumik misileraavigineqarsinnaanera takorloorneqarpa?

Akissut:

Naalakkersuisut nunalerinermi tapiissuteqartarnermut aaqqiissutissanik arlalinnik peqarput, taakkulu nunami sumiiffinnut inissisimaffiusunut killiligaanngillat.

Inussiarnersumik inuulluaqqusillunga



Kalistat Lund